

2 .

Չինչ որ ես հետ ինձ արի, չէր արեր ոչ ոք հարամի.
Շիշայ մի հալած ոսկի ի վետին ի վայր վաթեցի,
Անցաւ ի գետնին ներքու, ես դատարկ ի վայր մընացի.
Չետի խելքն ես ի՞նչ անեմ երբ ամօքի անունն աւիրի:

Է .

Ես ասեմ ու դու լըսէ՛, ա՛ռ ի քո մըտքունքդ անդիճէ՛.
Օղ արա՛ ականջըդ դի՛ր, գետ կարմիր դեկան ծըրարէ՛.
Այն մարդուն խէչ մի՛ նըստիր՝ երբ երթաս ըզքեզ զըրուցէ,
Ըզնետըն յետ քեզ նետե ու զաղե՛ղըն դառնայ պահէ:

Ը .

Երբ ես ի յաշխարհս եկի, գառն անպարտ՝ ու մեղք չունէի.
Ի յաւազանէն ծընայ, գետ զմարգրիտ ցոլայի:
Մեծցայ մեղաւոր եղայ, իմ ոտօքս ի մեղք գընացի.
Չկամք սատանային արի, յանդենէն խապար չունէի:

Թ .

Չինչ զԱհարոնի գըլուխն որ ծաղկանց իւղովն օծեալ է,
Կամ ցօղ Յերմոնի լերին որ Սինայ քաղցըր ցօղեալ է,
Կամ ըզհամասփիւռ ծաղիկ՝ Սուկաւետ լեառըն բուսեալ է,
Ոչ գարունըն ջուր կ'ուզէ, ոչ աշո՛ւնըն թոռմելու է.
Հանցգուն ծաղիկ ո՞վ տեսեր, զարարա՛ծըս շէն կու պահէ.
Նորա ծաղիկ ո՞վ ասէ՝ երբ նորա անուն Յիսուս է:

Ժ .

Այն մարդն որ ամ դուրն երթայ, գեմ պիտի զղըժարն անդիճէ.
Շաքարին շատ ուտել չվայլէ, Ադամայ որդին անհոգ է.
Մըտիկ լեռներուն արա՛, խելօքնուն ասած մասալ է.
Այն որ բարձր է՝ ձիւն ունի, այն որ ցած՝ ի՞նչ խօշ կանանչ է:

ԺԱ .

Ի յԱրեւելից ի վար ելեր է մեր Տերն ու կուգայ.
Ելէ՛ք որ ի դէմն երթանք, որ նորա սիրտըն չիմընայ.
Հընցգուն թագւոր փատիշահ ոչ եկեր է՝ Լ ոչ պիտի գայ.
Արեւելք ինքն է նըստեր, յԱրեւմուտք հիւքմըն կու խաղայ: